

國

秀

集

國秀集三
卷

國秀集序

昔陸平原之論文曰詩緣情而綺靡是彩色相
宣烟霞交映風流婉麗之謂也仲尼定禮樂正
雅頌采古詩三千餘什得三百五篇皆舞而蹈
之弦而歌之亦取其順澤者也近秘書監陳公
國子司業蘇公嘗從容謂芮侯曰風雅之後數
千載間詞人才子禮樂大壞諷者溺於所譽志
者乖其所之務以聲折爲宏壯勢奔爲清逸此
蒿視者之目聒聽者之耳可爲長太息也運屬
皇家否終復泰優游闕里唯聞子夏之言惆悵

河梁獨見少卿之作及源流浸廣風雲極致雖
發詞遣句未協風騷而披林擷秀揭厲良多自
開元以來維天寶三載譴謫蕪穢登納菁英可
被管絃者都爲一集芮侯即探書禹穴求珠赤
水取太冲之清詞無嫌近溷得興公之佳句寧
止擲金道苟可不棄於廝養事非適理何貴
於膏梁其有巖壑孤貞市朝大隱神珠匿耀剖
巨蚌而寧周寶劍韜精望斗牛而未獲目之縑
素有愧遺才尚欲巡采風謠旁求側陋而陳公
已化爲異物堆案颯然無與樂成遂因絕筆今

略編次見在者凡九十人詩二百二十首爲之
小集成一家之言

大英一千九百零六年

國秀集目錄上

天官侍郎李嶠四首

考功員外郎宋之問六首

膳部員外郎杜審言五首

太子詹事沈佺期五首

右丞相張說五首

中書侍郎徐安貞六首

京兆張敬忠一首

秘書監賀知章二首

太子賓客徐彥伯一首

仙州別駕王翰二首

中書舍人董思恭一首

新安丞杜儼一首

殿中少監崔滌一首

太子洗馬沈宇一首

廣文進士劉希夷三首

左丞相張九齡三首

禮部尚書席豫二首

靈昌太守李邕一首

吏部員外郎盧僎十三首

司勳員外張鼎 二首

刑部侍郎孫逖 六首

兵部員外趙良器 一首

金部員外郎黃麟 一首

太子尉郭向 一首

凡二十四人詩七十四首

侍宴甘泉殿

李嶠

月宇臨丹地雲牕網碧紗御筵陳桂醕天酒酌
榴花水向浮橋直城連禁苑斜承恩忭歡賞歸
路滿烟霞

餞薛大夫護邊

荒隅時未通副相下臨戎授律星芒動分兵月
翬空犀皮擁青橐象齒飭彤弓決勝三河勇長
驅六郡雄登山窺代北屈指討遼東佇見燕然
上抽毫頌武功

送崔主簿赴滄州

紫陌追隨日青門相見時宦遊從此去離別幾
年期芳桂中罇酒幽蘭下調悲他鄉有明月千
里照相思

送司馬先生

蓬閣桃源兩處分
人間海上不相聞
一朝琴裏悲黃鶴
何日山頭望白雲

同姚給事寓直省中見贈

宋之問

清論滿朝陽
高才拜夕郎
還從避馬路
來接珥貂行
寵就黃扉日
威回白簡霜
栢臺遷鳥茂
蘭省得人芳
禁靜鐘初徹
更疎漏漸長
曉河低武庫
流火度文昌
寓直恩重
乘秋藻翰揚
暗投空欲報
調下不成章

九日登慈恩寺浮圖應制

鳳刹尋雲半
虹旌倚日邊
散花多寶塔
張樂布

金田時菊芳仙醒秋蘭動睿篇香街稍欲晚清
蹕扈歸天

題大庾嶺一首

陽月南飛雁傳聞到此回我行殊未已何日復
歸來江靜潮初落林昏瘴不開明朝望鄉處應
見嶺頭梅

登揔持寺閣一首

梵宇出三天登茲望八川開襟俯城闕揮手拂
雲烟函谷青山外昆池落日邊東京楊柳陌少
別已經年

端州驛見杜審言王無競沈佺期閻朝
隱壁有題慨然成詠

逐臣北地承嚴譴謂到南中每相見豈意南中
岐路多千里萬里分鄉縣雲搖雨散各分飛海
闊江長音信稀處處山川同瘴癘自憐能得幾
人歸

登逍遙樓一首

逍遙樓上望鄉關淥水泓澄雲霧間北去衡陽
二千里無因雁足繫書還

春日江津遊望

杜審言

旅客搖邊思春江弄晚晴烟消垂柳弱霧卷落花輕飛棹乘空下回流向日平鳥啼移幾處蝶舞亂相迎忽歎人皆濁隄防水至清
常不
謙深可戒中盈

秋夜宴臨津鄭明府宅

行止皆無地招尋獨有君酒中堪累月身外即浮雲露白宵鐘徹風清曉漏聞坐携餘興往還似未離羣

夏日過鄭七山齋

共有樽中好言尋谷口來薜蘿山徑入荷芰水

亭開日氣含殘雨雲陰送晚雷洛陽鐘鼓至車
馬繫遲回

九日宴江陰

蟋蟀期歸晚茱萸節候新降霜青女月送酒白
衣人高興要長壽卑棲隔近臣新沙即此地舊
俗坐爲鄰

贈蘇綰書記

知君書記本翩翩爲許從戎赴朔邊紅粉樓中
應計日燕支山下莫經年

三日侍宴梨園

沈佺期

九門馳道出三巴，楔堂開畫鷁中流。
動青龍上苑來，野花飄御席，河柳拂天杯。
日晚迎祥處，笙鏞下帝臺。

酬蘇貞外夏晚寓直省中見贈

並命登仙閣，分宵直禮闈。
太官供宿膳，侍史護朝衣。
卷幔天河入，開牕月露微。
小池殘暑退，高樹早涼歸。
冠劍無時釋，軒車待漏飛。
明朝題漢柱，三署有光輝。

壽陽王花燭

仙媛乘龍夕，天孫捧雁來。
可憐桃李樹，更遶鳳

鳳臺燭送香車入花臨寶扇開莫令銀漏曉爲
盡合歡杯

宿七盤嶺

獨遊千里外高臥七盤西曉月臨床近天河入
戶低芳春平仲綠清夜子規啼浮客空留聽
城聞曙雞

遙同杜五過庾嶺

天長地闊嶺頭分去國憂家見白雲洛浦肝腸
無用說崇山瘴疫不堪聞南浮漲海鳶何處北
望衡陽雁幾羣兩地春風萬餘里何時重謁聖